

Lesley Griffiths AS

Gweinidog yr Amgylchedd, Ynni a Materion Gwledig

Llywodraeth Cymru

12 Hydref 2020

Annwyl Lesley,

Craffu ar y Gyllideb Ddrafft ar gyfer 2021-22

Mae'r Pwyllgor Newid Hinsawdd, yr Amgylchedd a Materion Gwledig wedi cychwyn ei baratodau ar gyfer craffu ar Gyllideb ddrafft Llywodraeth Cymru ar gyfer 2021-22.

Rydym yn sylweddoli nad yw'r amserlen ar gyfer y gyllideb ddrafft wedi'i chwblhau eto. Fodd bynnag, roeddem yn meddwl y byddai'n ddefnyddiol eich hysbysu y byddwn yn eich gwahodd maes o law i sesiwn graffu ar y gyllideb ddrafft. Rwy'n gobeithio y gallwn gytuno ar ddyddiad pan fydd yr amserlen wedi'i chwblhau.

Er mwyn cynorthwyo'r Pwyllgor â'n paratodau, byddwn yn ddiolchgar pe gallech ddarparu gwybodaeth ynghylch y materion a nodir yn y llythyr hwn. Wrth gwrs, ni ddylech deimlo bod ein cais yn eich cyfyngu, ac mae croeso i chi drafod unrhyw faterion eraill a fydd, yn eich barn chi, yn cynorthwyo'r Pwyllgor yn ei waith.

Cyn y sesiwn graffu hon, byddwn yn ddiolchgar pe gallech ddarparu'r wybodaeth a ganlyn. Rwyf wedi gofyn i'r tîm Clercio gysylltu â'ch swyddogion i drafod pryd yn union y bydd angen y wybodaeth arnom.



Senedd Cymru

Bae Caerdydd, Caerdydd, CF99 1SN

✉ SeneddNHAMG@senedd.cymru

☎ 0300 200 6565

Welsh Parliament

Cardiff Bay, Cardiff, CF99 1SN

✉ SeneddCCERA@senedd.wales

☎ 0300 200 6565

Y Rhaglen Lywodraethu / Ffyniant i Bawb

- Esboniad o sut mae dyraniadau'r gyllideb o fewn eich portffolio yn gydnaws â blaenoriaethau ac ymrwymadau'r Rhaglen Lywodraethu a Ffyniant i Bawb.
- Esboniad o sut mae'r targed statudol uwch ar gyfer lleihau allyriadau, y disgwylir iddo gael ei gyflwyno ddechrau 2021, wedi dylanwadu ar ddyraniadau'r gyllideb.
- Enghreifftiau o ddyraniadau yn y gyllideb a fydd yn cyfrannu at ddatgarboneiddio.
- Y wybodaeth ddiweddaraf am y gwaith sy'n mynd rhagddo i sicrhau bod y gyllideb gyllidol yn gydnaws â'r gyllideb garbon.
- Esboniad o sut y mae Llywodraeth Cymru yn ymateb i'w datganiad am yr 'Argyfwng Hinsawdd' a sut y mae hynny wedi dylanwadu ar ddyraniadau'r gyllideb.
- Esboniad o sut y mae cynnwys bioamrywiaeth fel yr wythfed blaenoriaeth yn y strategaeth Ffyniant i Bawb wedi dylanwadu ar y broses o bennu'r gyllideb eleni.
- Enghreifftiau o ddyraniadau'r gyllideb a fydd yn cyfrannu at y broses o wyr-droi'r gostyngiad mewn bioamrywiaeth.

Gwariant ataliol

- Manylion y gyfran o gyllideb y portffolio a ddyrannwyd ar gyfer camau gwariant ataliol a sut y mae'r gyfran wedi cynyddu o'i chymharu â chyllideb y llynedd.
- Manylion am ba bolisiau neu raglenni penodol yn y portffolio sydd wedi'u bwriadu i fod yn ataliol.

Llunio polisiau sy'n seiliedig ar dystiolaeth

- Esboniad o sut rydych wedi defnyddio tystiolaeth wrth flaenoriaethu dyraniadau eich cyllideb ddrafft a sut y byddwch yn monitro ac yn arfarnu rhaglenni i sicrhau eu bod yn darparu gwerth am arian ac yn llywio prosesau gosod cyllidebau yn y dyfodol.
- Manylion am sut y gwnaeth yr ymgynghoriad â rhanddeiliaid lywio a dylanwadu ar y gwaith o ddatblygu'r gyllideb ddrafft.

Deddf Llesiant Cenedlaethau'r Dyfodol

- Enghreifftiau o sut y mae'r Ddeddf wedi llywio penderfyniadau ynghylch dyraniadau penodol yn y gyllideb.
- Manylion am sut y mae'r broses asesu effaith wedi dylanwadu ar y gwaith o ddatblygu'r gyllideb ddrafft, gan gynnwys enghreifftiau o ble cafodd penderfyniad ei asesu yn erbyn amcanion llesiant Llywodraeth Cymru.



Asesiadau cydraddoldeb, y Gymraeg a hawliau plant

- Manylion am sut rydych chi wedi ystyried effaith y gyllideb ddrafft ar grwpiau sydd â nodweddion gwarchoddedig a'r Gymraeg, gan gynnwys manylion am unrhyw asesiadau effaith perthnasol.
- Manylion am sut y mae hawliau plant wedi cael eu hystyried ym mhenderfyniadau'r gyllideb ar gyfer y portffolio.

Ail-greu ar ôl Covid-19: Heriau a Blaenoriaethau

Esboniad o'r modd y mae dyraniadau'r gyllideb yn eich portffolio yn gydnaws â'r prif flaenoriaethau ar gyfer ail-greu ar ôl pandemig Covid-19.

Ymadael â'r Undeb Ewropeidd

Byddwn yn ddiolchgar pe gallech ddarparu gwybodaeth am ddyraniadau'r gyllideb yn y meysydd polisi a ganlyn, ac at ba ddiben y cawsant eu dyrannu:

- Datblygu'r rhaglen rheoli tir newydd ar gyfer Cymru;
- Polisi pysgodfeydd yn y dyfodol;
- Corff llywodraethu amgylcheddol newydd posibl a threfniadau pontio cysylltiedig;
- Adnoddau digonol o ran staff ar gyfer datblygu polisiau a deddfwriaeth sy'n gysylltiedig â Brexit; ac
- Unrhyw fater arall o arwyddocâd o ran Brexit.

A fyddech cystal â rhoi'r wybodaeth ddiweddaraf inni am eich trafodaethau â Llywodraeth y DU mewn perthynas â'r cyllid a fydd yn disodli cyllid yr UE gan gynnwys cyllid i gynorthwyo'r sector amaethyddol.

Deddfwriaeth

Byddwn yn ddiolchgar pe gallech ddarparu gwybodaeth am ddyraniadau'r gyllideb ar gyfer gweithredu deddfwriaeth sylfaenol bresennol ac arfaethedig; gweithredu is-ddeddfwriaeth bresennol ac arfaethedig; a gweithredu deddfwriaeth y DU fel y Bil Amaethyddiaeth, y Bil Pysgodfeydd a Bil yr Amgylchedd.

Cyfoeth Naturiol Cymru

Manylion dyraniadau'r gyllideb ar gyfer Cyfoeth Naturiol Cymru, gan gynnwys esboniadau am unrhyw newidiadau.



Meysydd ychwanegol sydd o ddiddordeb i'r Pwyllgor

Byddai'r Pwyllgor hefyd yn ddiolchgar pe gallech roi manylion am sut y bydd dyraniadau yn y gyllideb ddrafft yn mynd i'r afael â'r materion a ganlyn:

- Ansawdd aer, gan gynnwys manteisio ar y gronfa Ansawdd Aer a gweithredu'r cynllun Aer Glân;
- Cyflawni blaenoriaethau gweithredu 2021-2023 Llywodraeth Cymru. Mae'r rhain wedi'u cynnwys yn ei chynllun Trechu Tlodi Tanwydd 2020-2035: Cynllun i gynorthwyo pobl sy'n cael trafferth i dalu eu costau ynni
- Gweithredu argymhellion yr adroddiad "Cartrefi Gwell, Cymru Well, Byd Gwell";
- Gweithredu Cynllun Strategol arfaethedig Llywodraeth Cymru: Cynllun ar gyfer y Diwydiant Bwyd a Diod yng Nghymru;
- Rhaglen i Ddileu TB (gan gynnwys Cynllun Cyflawni, profi ac iawndal)
- Gweithredu'r Strategaeth Coetiroedd i Gymru;
- Rheoli Parthau Perygl Nitradau;
- Gweithredu'r Strategaeth Genedlaethol i Reoli Perygl Llifogydd ac Erydu Arfordirol, gan gynnwys y Rhaglen Rheoli Perygl Erydu Arfordirol.
- Gweithredu'r Cynllun Twf Amgylcheddol;
- Y drefn drwyddedu arfaethedig mewn perthynas ag arddangos anifeiliaid; a
- Gwahardd trydydd partion rhag gwerthu cŵn bach a chathod bach;
- Mentrau i leihau llygredd plastig, gan gynnwys cynllun dychwelyd ernes, a datblygu cynllun cyfrifoldeb estynedig cynhyrchwyr.

Yn gywir,



Mike Hedges AS

Cadeirydd y Pwyllgor Newid Hinsawdd, Amgylchedd a Materion Gwledig

Croesewir gohebiaeth yn Gymraeg neu Saesneg.

We welcome correspondence in Welsh or English.

